

太上消災祈福醮儀

則五

九

太上金櫃玉鏡延生洞玄燭幽懺

則六

虛一真人序

夫清濁未分無間昏曉太極肇判二儀適分皆本道之一炁而化者也當龍漢延康之先道炁莽莽質象未定無復形器但氤氲勃勃而已至赤明之初陽精始輝迴運莫測所謂非化而化自然而然龍漢之初三千億萬九百五十一年

玉清交運正度太初流化萬象縹結道炁上清變化七十九億萬三十九年大丹成形成始有日月五星道機沉蓄微露化端

太清纏錄五十億萬一十二年萬天基布神化洞明造化發泄景象列分高玄明豁大道行焉

元始天尊於清微天杳宵玉清妙境傳教

道君玄一真經靈寶金誥無量妙訣自開化已來迄于茲世

道君凡萬有一千五百二十度降世今當陽九運終天地交變民物大傷道君慈憫敷宣此經三卷遣左玄真人蕭付蓬萊宮宮中真

人刻書玉簡目習誦詠今見兆民受諸苦難漂沉塗趣難復人身王晨道旨令降于世傳付清信之人護身保命華重不信之人勿示窺笑輕泄洩慢殃及九祖長役鬼官勉而行之秘而慎焉此經凡有三名一曰金櫃玉鏡

真經二曰洞玄燭幽懺三曰神寶秘章數明妙紀開悟有緣修而進之可以召靈炁於三關萬寶華於九戶功滿德就名書玉庭至孝之士報先化根宗遵奉禮誦雖億萬之遠萬祖之衆冤繫幽苦者承是功德皆即受度上登朱陵在世之八年災月厄非橫纏綿禮誦修崇則上消天災下攘毒害保寧家國與善因緣修真之士究而悟之則殃罪解於冥塗靈真備於純德洞合妙道身得神仙更能立行立功濟人及物上超億祖慶延子孫世世昌榮生賢出聖此道尊妙功德無邊敬奉修持無所不至矣

凡禮誦此經先香湯沐浴齋戒七日於淨室中面東正坐叩齒三十六通閉目靜思身坐青黃紫三色雲炁之中存北斗覆頭

置星指前離已七尺次存青龍白虎朱雀玄武各從本藏出羅列左右前後次存自己眉後兩小穴中日從左出紫赤九芒月從右出黃白十芒各離已九尺光霞滿室次存前日月光芒灌于鼻中入腦後四寸金華宮令項後生出圓象大如車輪光明炳然如此分明密念開經玄蘊呪畢然後焚香開經跪拜禮念
天尊聖號自有護法神兵營護其人志誠禮念其功不可具悉

開經玄蘊呪

天真丹華宮 清靈玉室中 翠玄都六一元臺闕帝公 素念生精炁 高虛飛駕從心經隱三舍 薰鬱長生房 紫堂通絳闕赤城妙田倉 神門正理觀 潔然道慧香性命守虛無 懷珠抱玉陽 迴神本國富明登紫壽方
太上金櫃玉鏡延生洞玄燭幽機
太上老君於太清天上玄都山中坐七寶臺會諸天仙衆燒自然栴檀真香告諸仙曰下

方眾生皆父母寄胎誕育而得生身受命於天成形於地以日為寃以月為魄靈備萬物唯人是稱初生之時皆受天地清寧之炁本來清靜與天長久朴散之後染着愛欲背真失性逐物隨情妄偽欺誑姪殺盜惡口兩舌嗔癡嫉妬不忠不孝背義忘恩毀道謗真造諸罪業流輪三塗無期出離或凌犯星辰干冒天地遂致兵災水旱疫毒流行蟲蛇虎狼精邪蠱魅疾病官刑諸禍並起絕滅家門漂流苦海時與會中有一真人名曰普救即從座起稽首禮拜瞻仰尊顏長跪告曰如是衆生受諸惡報作何因緣得免苦難願垂玄造廣度沉淪
太上曰復坐靜念為汝敷宣清信男女有諸災厄橫事榮牽無處解謝者如法齋沐謹於三清像前清靜身心用異花珍果淨水名香燈燭醴獻虔心瞻敬作懺悔言弟子某甲於曠劫以來至于今日不信經教唯罪是修與十惡心迷五毒行三業所造無邊之罪惡惡相牽多招災難今日幸聞真教省悔前非懇

禱至誠一心懺悔伏願
聖慈盡除往罪志心敬禮

志心敬禮虛無自然元始天尊
志心敬禮太上大道王晨道君
志心敬禮太上玄元聖祖老君
志心敬禮長生保命護身天尊
志心敬禮長生保命無上天尊
志心敬禮消災除病無上天尊
志心敬禮監生注祿延壽天尊
志心敬禮定命檢簿靈寶天尊
志心敬禮昊天勅下演法真人
志心敬禮降世大慈救苦真人
志心敬禮慈悲度厄真人
志心敬禮尋聲救苦真人
志心敬禮濟生度死真人
志心敬禮萬福護身真人
志心敬禮蓬萊扶教法師
志心敬禮蓬萊通天法師
於是聖號宜加敬禮每日持念七七遍乃至百遍即有護法神兵救苦真人常隨護衛免

免災危萬禍潛消增延祿壽若有衆生聞是
聖號恭敬頂禮與前功德無異禮竟虔誠復
當懺悔弟子臣某甲自從無始以來至于今
日不忠君主不奉尊親不敬師徒不友兄弟
諂上虐下皆親向疎聽妻妾語違父母訓或
爲婦人性行不真違背父母不孝前邊攪亂
六親輕賤夫婦拋擲五穀非理裁割盜竊備
說闖古隣里常行妬忌懷挾外心如此罪愆
必招苦報生遭人憎死墮地獄恭對

聖真咸悉懺悔弟子臣某甲自從無始已來
至于今日非義而動背理而行富驕勢豪貪
恣凡暴以惡爲能見殺如怒殺人取財傾人
取位誅降戮服凌孤逼寡撓亂國政輕蔑天
民妬賢嫉能掩善揚惡教人爲惡自罪引他
射飛逐走發毒藥爲穢境穴毀巢傷胎破卵偷
盜邪淫妄言綺語飲酒食肉惡罵兩舌慳貪
瞋恚狠戾愚癡巧偽欺謾陰賊殘害知過不
改知善不爲諸惡罪緣無不備作今茲發露
不敢覆藏恭對
聖真咸乞原赦弟子臣某甲自從無始已來

至于今日不識正道多犯罪愆恨天怨地呵
風罵雨憎嫌寒暑厭惡三光訕謗聖賢侵凌
道德輕誹聖典魔障善緣拒遏上真污毀廟
像久視日月輒指三光指虹唾星混穢井竈
咒誓呼神違願犯戒妄解聖論輕泄天機今
茲首露不敢復爲恭對

- 聖真咸乞原赦懺悔已虔誠志心朝禮
- 志心敬禮虛無自然元始天尊
 - 志心敬禮太上大道王晨道君
 - 志心敬禮太上玄元聖祖老君
 - 志心敬禮昊天玉皇上帝
 - 志心敬禮紫微天皇帝
 - 志心敬禮紫微北極大帝
 - 志心敬禮南極注生大帝
 - 志心敬禮日官太陽帝君
 - 志心敬禮月官太陰皇君
 - 志心敬禮木德歲星君
 - 志心敬禮火德熒惑星君
 - 志心敬禮金德太白星君
 - 志心敬禮水德辰星君

- 志心敬禮土德鎮星君
- 志心敬禮神首羅睺星君
- 志心敬禮神尾計都星君
- 志心敬禮天一紫炁星君
- 志心敬禮太一月孛星君

禮竟虔誠復當懺悔弟子臣某甲自從無始
已來至于今日多迷真道廣造罪根履乾坤
而寧知覆載瞻日月而曾感照臨五常素昧
於內修六染難逃於後患或有今生宿世積
疊餘殃故殺悞傷之尤害物傷人之罪或則
破齋犯戒違願欺心意有愛憎心生蛆伎對
星辰而設誓向神真而惡言負債辜恩貪婪
不悉千頭營運一向謀生豈分善惡之規莫
曉存亡之度今則退思補過具述首陳謹發
虔誠願垂慈宥敢盡愚衷之懇達祈寥廓之
尊伏願少迴靈貺俯鑒卑衷咸除累薄之愆
延注丹臺之善神解災罹運消滯滯禍沉往
劫福降今辰一切之中常沐道蔭臣無任惶
懼虔祝之至稽首
無上正真三寶

老君曰凡禮是經皆當香湯沐浴齋戒必獲感通功德無量普救曰齋沐之法敢告指導老君曰香湯者五香湯也法取青木香白檀香茅香沉香薰陸香多少隨宜取淨水一石先以桃白皮竹葉下煎數沸濾去滓次下五香多少隨宜若在山林幽棲貧薄無力止以桃竹為善先以沐髮取木杓以柄指月建思五色雲炁滿室三辰光照盆上以杓左行攪香水三十六度視香湯呪曰

太玄真液 鍊炁生雲 沐澤蒼華 誦誦洞經

七祖飛仙 我騰上清 凡七過次就誦

五斗配衣 龍虎侍真 開明三景 上登玉晨

解帶成仙 使我長生 沐次解帶就

神宮振天 黑雲散開 流金火鈴 燠擲無邊

使我通真 遊行諸天 無量度人 招靈命仙

沐次髮竟操

雲層碧玄 鍊鍊瑤京 冠髻召仙 五炁攝真

神華發光 上昇帝庭 沐次入浴執杓取五方炁

畢執杓向

枉方呪曰

雷池玉泉 灌我身形 內鍊五藏 外通九門 使炁開通 尸穢蕩清 萬過保舉 入登帝庭

沐次存三辰入湯中良久就浴就別取淨者五香湯飲之一杯即疑神點想內外真白而乃

黃神守關 青帝護魂 天賜咆哮 萬魔毒睛

尸血盡滌 青蟲滅形 七魄鍊化 紫雲自生

遊宴太無 高真併襟 沐次還者

神童侍衣 玉女燒香 登拜經寶 玉音琳琅

度我七祖 除滅禍殃 延年長壽 寶聚雲輿

齋者內齋其心外齋其形 戒者內持其志

外持其行 設醮奏章 亦依是式 無災不滅

無願不成 修真之人 謹具遵慎

道言德莫大於好生功莫大於修成凡處塵

域之內蠢動含生稟受雖殊性命惟一見人

疾病官刑飢貧困厄或水陸或飛走陷於難

地若能方便慈救是謂好生之德復有男女

喜捨財物修建宮殿繪塑真像印寫經典讀

誦教人製作橋花施設燈燭作諸布施供養

乃至平治道路修疊橋約栽種樹木補理隄

渠是謂修成之功若有衆生恣縱愚昧輕誹

經典損生毀成當知是人罪根難滅命沉六趣永失人身劫劫生生無由出離信男善女戒而慎之

老君曰此經是

道君金口所宣吾今授汝傳教世間誦之聲

參紫極鸞閣諸天

太上欣唱衆真敬禮故能拯死苦於三塗超

形神於上清億曾萬祖皆即受度見存利益

福祿增延更廣好生之德修成之功孝養尊

親敬奉師友濟恤貧困洗雪冤沉如此功德

愈於茲矣遵依是經生成兼備吾遣察命錄

子之行奏上玉清名標金榜隨行深淺得為

真人值遇是經宜加勉力於是普救受得真

經歡躍非常而說偈曰

玄哉元老君 衆生慈父母 演教不思議

普救無邊苦 若能志心持 存亡皆濟度

功德貴生成 隨行登仙路

爾時普救說是偈已諸天仙衆同聲稱善稽

首再拜

至尊敬禮而退